

梵行已立所作已辦不受後有佛說是經已尊者阿難遠塵離垢得法眼淨五百比丘不受諸法漏盡意解時諸大衆聞佛所說皆大歡喜信受奉行

大寶積經卷第五十五

官

大寶積經卷第五十六

官六

大唐三藏法師義淨譯

佛說入胎藏會第十四之一

如是我聞一時薄伽梵在劫比羅城多根樹園與大苾芻衆無量人俱念時世尊有弟子名曰難陀身如金色具三十相短佛四指妻

乙

施澤之刊

名孫陀羅儀容端正世間希有光華超絕人所樂見難陀於彼纏綿戀著無暫捨離深愛情重畢命爲期世尊觀知受化時至即於晨朝著衣持鉢將具壽阿難陀爲侍者入城乞食次至難陀門首而立以大悲力放金色光其光普照難陀宅中皆如金色于時難陀便

作是念光明忽照定是如來今使出看乃見佛至即便速返白難陀曰世尊在門聞此語已即欲速出迎禮世尊時孫陀羅使作是念我若放去世尊必定與其出家遂捉衣牽不令出去難陀曰今可暫放禮世尊已我即却迴孫陀羅曰共作要期方隨意去以糝濕額而告之曰此點未乾即宜却至若遲違者罰金錢五百難陀曰可尔即至門首頂禮佛足取如來鉢却入宅中盛滿美食持至門首世尊遂去即與阿難陀世尊現相不令取鉢如來大師威嚴尊重不敢喚住復更授與阿難陀阿難陀問曰汝向誰邊取得此鉢答曰於佛邊取阿難陀曰宜授與佛答曰我今不敢輕觸大師默然隨去世尊至寺洗手足已就座而坐難陀持鉢以奉世尊食已告曰難陀汝食我殘不答言我食佛即授與難陀食已世尊告曰汝能出家不答言出家然佛世尊昔行菩薩道時於父母師長及餘尊者所有

教令曾無違逆故得今時言無違者即告阿難陀曰汝與難陀剃除鬚髮答曰如世尊教即覓剃髮人為其落髮難陀見已告彼人曰汝今知不我當不父作轉輪王汝若輒亦剃我髮者當截汝腕彼便大怖裹收刀具即欲辭出時阿難陀便往白佛佛便自去詣難陀

處問言難陀汝不出家答言出家是時世尊自持瓶水灌其頂上淨人即剃便作是念我今敬奉世尊且為出家暮當歸舍既至日晚尋路而行念時世尊於其行路化作大坑見已便念孫陀羅斯成遠矣無緣得去我今相憶或容致死如其命在至曉方行憶孫陀羅

官六

二

愁苦通夜念時世尊知彼意已告阿難陀曰汝今宜去告彼難陀令作知事人即便往報世尊令念作知事人問曰云何名為知事人欲作何事答曰可於寺中檢校眾事問曰如何應作答言具壽凡知事者若諸苾芻出乞食時應可灑掃寺中田地取新牛糞次第淨

塗作意防守勿令失落有平章事當為白僧若有香華應行與眾夜閉門戶至曉當開大小行處常須洗拭若於寺中有損壞處即應修補聞是教已答言大德如佛所言我皆當作時諸苾芻於小食時執持衣鉢入劫比羅城為行乞食于時難陀見寺無人便作是念

我掃地了即可還家遂便掃地世尊觀知以神通力令掃淨處糞穢還滿復作是念我除糞穢方可言歸故箒收持糞穢無盡復作是念開戶而去世尊即令閉一房竟更閉餘戶彼戶便開遂生憂惱復作是念縱賊損寺此亦何傷我當為王更作百千好寺倍過於此

我宜歸舍若行大路恐見世尊作是思量即趣小徑佛知其念從小道來既遙見佛不欲相遇路傍有樹枝蔭低垂即於其下隱身而住佛令其樹舉枝高上其身露現佛問難陀汝何處來可隨我去情生羞耻從佛而行佛作是念此於其婦深生戀著宜令捨離為引

官六

三

接故出劫比羅城詣室羅伐既至彼已住毗舍佉鹿子母園

佛念難陀愚癡滌惑尚憶其妻愛情不捨應作方便令心止息即告之曰汝先曾見香醉山不荅言未見若如是者捉我衣角即就捉衣于時世尊猶如鵝王上昇虚空至香醉山

將引難陀左右顧盼於菓樹下見雌獼猴又無一目即便舉面直視世尊佛告難陀曰汝見此瞎獼猴不白佛言見佛言於汝意云何此瞎獼猴比孫陀羅誰為殊勝荅言彼孫陀羅是釋迦種猶如天女儀容第一舉世無雙獼猴比之千萬億分不及其一佛言汝見天

宮不荅言未見可更捉衣角即便執衣還若鵝王上虚空界至三十三天告難陀曰汝可觀望天宮勝處難陀即往歡喜園姝身園窟身園交合園圓生樹善法堂如是等處諸天苑園華菓浴池遊戲之處殊勝歡娛悉皆遍察次入善見城中復見種種鼓樂絲竹微妙

音聲廊宇踈通床帷帳設處處皆有天妙姝女共相娛樂難陀遍觀見一處所唯有天女而無天子便問天女曰何因餘處男女雜居受諸快樂汝等何故唯有女人不見男子天女荅曰世尊有弟名曰難陀投佛出家專修梵行命終之後當生此間我等於此相待難

陀聞已踴躍歡欣速還佛所世尊問言汝見諸天勝妙事不荅言已見佛言汝見何事彼如所見具白世尊佛告難陀見天女不荅言已見此諸天女比孫陀羅誰為殊妙白言世尊以孫陀羅比此天女還如香醉山內以瞎獼猴比孫陀羅百千萬倍不及其一佛告難

陀修淨行者有斯勝利汝今宜可堅修梵行當得生天受斯快樂聞已歡喜默然而住介時世尊便與難陀即於天没至逝多林是時難陀思慕天宮而修梵行佛知其意告阿難陀曰汝今可去告諸苾芻不得一人與難陀同座而坐不得同處經行不得一竿置衣不

官六

四

得一處安鉢及著水瓶不得同處讀誦經典  
阿難陀傳佛言教告諸苾芻苾芻奉行皆如  
聖旨是時難陀既見諸人不共同聚極生羞  
愧後於一時阿難陀與諸苾芻在供侍堂中  
縫補衣服難陀見已便作是念此諸苾芻咸  
棄於我不同一處此阿難陀既是我弟豈可

相嫌即去同坐時阿難陀速即起避彼言阿  
難陀諸餘苾芻事容見弃汝是我弟何乃亦  
嫌阿難陀曰誠有斯理然仁行別道我違異  
路是故相避答曰何謂我道云何尔路答曰  
仁樂生天而修梵行我求圓寂而除欲染聞  
是語已倍加憂感

尔時世尊知其心念告難陀曰汝頗曾見捺  
洛迦不答言未見佛告汝可捉我衣角即便  
就執佛便將去往地獄中尔時世尊在一邊  
立告難陀曰汝今可去觀諸地獄難陀即去  
先見灰河次至劔樹糞屎大河入彼觀察遂  
見衆生受種種苦或見以鉗揆舌拔齒抉目

或時以鋸剝解其身或復以斧斫截手足或  
以車積鏡身或以棒打稍刺或以鐵鏈粉碎  
或以鎔銅灌口或上刀山劔樹碓擣石磨銅  
柱鐵床受諸極苦或見鐵鑊猛火沸騰熱燄  
洪流莫有情類見如是等受苦之事復於一  
鐵鑊空煮炎熱中無有情觀此憂惶問獄卒

官六

五

曰何因緣故自餘鐵鑊皆煮有情唯此鑊中  
空然沸涌彼便報曰佛弟難陀唯願生天專  
修梵行得生天上暫受快樂彼命終後入此  
鑊中是故我今然鑊相待難陀聞已生大恐  
怖身毛皆豎白汗流出作如是念此若知我  
是難陀者生又鑊中即便急走詣世尊處佛

言汝見地獄不難陀悲泣兩淚哽咽而言出  
微細聲白言已見佛言汝見何物即如所見  
具白世尊佛告難陀或願人間或求天上勤  
修梵行有如是過是故汝今當求涅槃以修  
梵行勿樂生天而致勤苦難陀聞已情懷愧  
耻默無所對尔時世尊知其意已從地獄出

至逝多林即告難陀及諸苾芻曰內有三垢謂是姓欲瞋恚愚癡是可棄捨是應遠離法當修學

尔時世尊住逝多林未經多日為欲隨緣化衆生故與諸徒衆往占波國住揭伽池邊時彼難陀與五百苾芻亦隨佛至往世尊所皆禮佛足在一面坐時佛世尊見衆坐定告難陀曰我有法要初中後善文義巧妙純一圓滿清白梵行所謂入母胎經汝當諦聽至極作意善思念之我今為說難陀言唯然世尊願樂欲聞佛告難陀雖有母胎有入不入云何受生入母胎中若父母赤心共為姪愛其

母腹淨月期時至中蘊現前當知尔時各入母胎此中蘊形有其二種一者形色端正二者容貌醜陋地獄中有容貌醜陋如燒杭木傍生中有其色如烟餓鬼中有其色如水人天中有形如金色色界中有形色鮮白無色界天元無中有以無色故中蘊有情或有二

手二足或四足多足或復無足隨其先業應託生處所感中有即如彼形若天中有頭便向上人傍生鬼橫行而去地獄中有頭直向下凡諸中有皆具神通乘空而去猶如天眼速觀生處言月期至者謂納胎時難陀有諸女人或經三日或經五日半月一月或有待

官六

六

緣經久期水方至若有女人身無威勢多受辛苦形容醜陋無好飲食月期雖來速當止息猶如乾地灑水之時即便易燥若有女人身有威勢常受安樂儀容端正得好飲食所有月期不速止息猶如潤地水灑之時即便難燥云何不入父精出時母精不出母精出

時父精不出若俱不出皆不受胎若母不淨父淨若父不淨母淨若俱不淨亦不受胎若母陰處為風病所持或有黃病痰癢或有血氣胎結或為肉增或為服藥或麥腹病蟻腰痛或產門如馳口或中如多根樹或如犁頭或如車轆或如籐條或如樹葉或如麥芒或

腹下深或有上深或非胎器或恒血出或復水流或如鷓口常開不合或上下四邊闊狹不等或高下凹凸或內有蟲食爛壞不淨若母有此過者並不受胎或父母尊貴中有卑賤或中有尊貴父母卑賤如此等類亦不成胎若父母及中有俱是尊貴若業不和合亦

不成胎若其中有於前境處無男女二愛亦不受生

難陀云何中有得入母胎若母腹淨中有現前見爲欲事無如上說衆多過患父母及子有相感業方入母胎又復中有欲入胎時心即顛倒若是男者於母生愛於父生憎若是

官六

七

女者於父生愛於母生憎於過去生所造諸業而起妄想作邪解心生寒冷想大風大雨及雲霧想或聞大衆鬧聲作此想已隨業優劣復起十種虛妄之想云何爲十我今入宅我欲登樓我昇臺殿我昇床座我入草菴我入葉舍我入草叢我入林內我入牆孔我入

籬間難陀其時中有作此念已即入母胎應知受生名羯羅藍父精母血非是餘物由父母精血和合因緣爲識所緣依止而住譬如依酪瓶鑽人功動轉不已得有酥出異此生當知父母不淨精血羯羅藍身亦復如是復次難陀有四譬喻汝當善聽如依青草虫

乃得生草非是虫虫非離草然依於草因緣和合虫乃得生身作青色難陀當知父精母血羯羅藍身亦復如是因緣和合大種根生如依牛糞生虫糞非是虫虫非離糞然依於父精母血羯羅藍身亦復如是因緣和合大種根生如依棗生虫棗非是虫虫非離棗然

依於棗因緣和合虫乃得生身作赤色難陀當知父精母血羯羅藍身亦復如是因緣和合大種根生如依酪生虫身作白色廣說乃至因緣和合大種根生復次難陀依父母不淨羯羅藍故地界現前

堅韌為性水界現前濕潤為性火界現前溫  
 煖為性風界現前輕動為性難陀若父母不  
 淨羯羅藍身但有地界無水界者即便乾燥  
 悉皆分散譬如手握乾麩灰等若但水界無  
 地界者即便離散如油滯水由水界故地界  
 不散由地界故水界不流難陀羯羅藍身有

地水界無火界者而便爛壞譬如夏月陰處  
 肉團難陀羯羅藍身但有地水火界無風界  
 者即便不能增長廣大此等皆由先業為因  
 更互為緣共相招感識乃得生地界能持水  
 界能攝火界能熟風界能長難陀又如有人  
 若彼弟子熟調沙糖即以氣吹令其增廣於

官六

內空虛猶如藕根內身大種地水火風業力  
 增長亦復如是難陀非父母不淨有羯羅藍  
 體亦非母腹亦非是業非因非緣但由此等  
 眾緣和會方始有胎如新種子不被風日之  
 所損壞堅實無亢藏舉合宜下於良田并有  
 潤澤因緣和合方有芽莖枝葉華菓次第增

長難陀此之種子非離緣合芽等得生如是  
 應知非唯父母非但有業及以餘緣而胎得  
 生要由父母精血因緣和合方有胎耳難陀  
 如明眼人為求火故將日光珠置於日中以  
 乾牛糞而置其上方有火生如是應知依父  
 母精血因緣合故方有胎生父母不淨成羯

羅藍號之為色受想行識即是其名說為名  
 色此之蘊聚可惡名色託生諸有乃至少分  
 刹那我不讚歎何以故生諸有中是為大苦  
 譬如糞穢少亦是臭如是應知生諸有中少  
 亦名苦此五取蘊色受想行識皆有生住增  
 長及以衰壞生即是苦住即是病增長衰壞

即是老死是故難陀誰於有海而生愛味卧  
 母胎中受斯劇苦

復次難陀如是應知凡入胎者大數言之有  
 三十八七日初七日時胎居母腹如椗如癰  
 卧在糞穢如處鍋中身根及識同居一處壯  
 熱煎熬極受辛苦名羯羅藍狀如粥汁或如

官六

九

酪漿於七日中內熱煎煮地界堅性水界濕性火界煖性風界動性方始現前 難陀第二十七日胎居母腹卧在糞穢如處鍋中身根及識同居一處壯熱煎熬極受辛苦於母腹中有風自起名為遍觸從先業生觸彼胎時名類部陀狀如稠酪或如凝酥於七日中內

熱煎煮四界現前 難陀第三十七日廣說如前於母腹中有風名刀鞘口從先業生觸彼胎時名曰閉戶狀如鐵箸或如蚯蚓於七日中四界現前 難陀第四十七日廣說如前如母腹中有風名為內開從先業生吹擊胎箭名為健南狀如鞋襪或如溫石於七日中四

界現前 難陀第五十七日廣說如前於母腹中有風名曰攝持此風觸胎有五相現所謂兩臂兩胫及頭譬如春時天降甘雨樹林鬱茂增長枝條此亦如是五相顯現 難陀第六十七日於母腹中有風名曰廣大此風觸胎有四相現謂兩肘兩膝如春降雨萸草生枝

此亦如是四相顯現 難陀第七十七日於母腹中有風名為旋轉此風觸胎有四相現謂兩手兩脚猶如聚沫或如水苔有此四相 難陀第八十七日於母腹中有風名曰翻轉此風觸胎有二十相現謂手足十指從此初生猶如新雨樹根始生 難陀第九十七日於母

腹中有風名曰分散此風觸胎有九種相現謂二眼二耳二鼻并口及下二穴 難陀第十七日於母腹中有風名曰堅韌令胎堅實即此七日於母胎中有風名曰普門此風吹脹胎藏猶如浮囊以氣吹滿 難陀第十一

七日於母胎中有風名曰疎通此風觸胎令胎通徹有九孔現若母行立坐卧作事業時彼風旋轉虛通漸令孔大若風向上上孔便開若向下時即通下穴譬如鍛師及彼弟子以橐扇時上下通氣風作事已即便隱滅 難陀第十二十七日於母腹中有風名曰曲口此風吹胎於左右邊作大小腸猶如藕絲如

官六



是依身交絡而住即此七日復有風名曰穿髮於彼胎內作一百三十節無有增減復由風力作百一禁處 難陀第十三七日於母腹中以前風力知有飢渴母飲食時所有滋味從臍而入藉以資身 難陀第十四七日於母腹中有風名曰線口其風令胎生一千

筋身前有二百五十身後有二百五十右邊二百五十左邊二百五十 難陀第十五七日於母腹中有風名曰蓮華能與胎子作二十種脉吸諸滋味身前有五身後有五右邊有五左邊有五其脉有種種名及種種色或各伴或各力或各勢色有青黃赤白豆酥油酪等色更有多色共相和雜難陀其二十脉別各有四十脉以爲眷屬合有八百吸氣之脉於身前後左右各有二百難陀此八百脉各有一百道脉眷屬相連合有八萬前有二萬後有二萬右有二萬左有二萬難陀此八萬脉復有衆多孔穴或一孔二孔乃至七孔

一一各與毛孔相連猶如藕根有多孔隙 難陀第十六七日於母腹中有風名曰甘露行此風能爲方便安置胎子二眼處所如是兩耳兩鼻口咽胃臆令食入得停貯之處能令通過出入氣息譬如陶師及彼弟子取好泥團安在輪上隨其器物形勢安布令無差

官六

上

忤此由業風能作如是於眼等處隨勢安布乃至能令通過出入氣息亦無爽失 難陀第十七七日於母腹中有風名曰毛拂口此風能於胎子眼耳鼻口咽喉胃臆食入之處令其滑澤通出入氣息安置處所譬如巧匠若彼男女取塵翳鏡以油及灰或以細土揩拭令淨此由業風能作如是安布處所無有障礙 難陀第十八七日於母腹中有風名曰無垢能令胎子六處清淨如日月輪大雲覆蔽猛風忽起吹雲四散光輪清淨難陀此業風力令其胎子六根清淨亦復如是 難陀第十九七日於母腹內令其胎子成就四

根眼耳鼻舌入母腹時先得三根謂身命意  
難陀第二十七日於母腹中有風名曰堅  
因此風依胎左脚生指節二十骨右脚亦生  
二十骨足跟四骨踵有二骨膝有二骨脛有  
二骨腰髀有三骨脊有十八骨肋有二十四  
骨復依左手生指節二十骨復依右手亦生

二十腕有二骨臂有四骨曾骨有七骨肩有七  
骨項有四骨頷有二骨齒有三十二骨髑髏  
四骨難陀譬如素師或彼弟子先用鞭木作  
其相狀次以繩纏後安諸泥以成形像此業  
風力安布諸骨亦復如是此中大骨數有二  
百除餘小骨 難陀第二十一七日於母腹

中有風名曰生起能令胎子上生肉譬如  
泥師先好調泥泥於牆壁此風生肉亦復如  
是 難陀第二十二七日於母腹中有風名  
曰浮流此風能令胎子生血 難陀第二十  
三七日於母腹內有風名曰淨持此風能令  
胎子生皮 難陀第二十四七日於母腹中

有風名曰滋漫此風能令胎子皮膚光悅  
難陀第二十五七日於母腹中有風名曰持  
城此風能令胎子血肉滋潤 難陀第二十  
六七日於母腹中有風名曰生成能令胎子  
身生髮毛爪甲此皆一一共脉相連 難陀  
第二十七七日於母腹中有風名曰曲鑰此

官六

十三

風能令胎子髮毛爪甲悉皆成就難陀由其  
胎子先造惡業慳澁吝惜於諸財物堅固執  
著不肯惠施不受父母師長言教以身語意  
造不善業日夜增長當受斯報若生人間所  
得果報皆不稱意若諸世人以長為好彼即  
短若以短為好彼即長以麤為好彼即細若  
以細為好彼即麤若支節相近為好彼即相  
離若相離為好彼即相近若多為好彼即少  
若少為好彼即多愛肥便瘦愛瘦便肥愛怯  
便勇愛勇便怯愛白便黑愛黑便白難陀又  
由惡業感得惡報聾盲瘖瘂愚鈍醜陋所出  
音響人不樂聞手足孳躄形如餓鬼親屬皆

憎不欲相見况復餘人所有三業向人說時  
 他不信受不將在意何以故由彼先世造諸  
 惡業獲如是報難陀由其胎子先修福業好  
 施不慳憐愍貧乏於諸財物無怯著心所造  
 善業日夜增長當受勝報若生人間所受果  
 報悉皆稱意若諸世人以長為好則長若以

短為好則短窶細合度支節應宜多少肥瘦  
 勇怯顏色無不愛者六根具足端正超倫辭  
 辯分明音聲和雅人相皆具見者歡喜所有  
 三業向人說時他皆信受敬念在心何以故  
 由彼先世造諸善業獲如是報難陀胎若是  
 男在母右脇踳踳而坐官六兩手掩面向母脊住十三

若是女者在母左脇踳踳而坐兩手掩面向  
 母腹住在生藏下熟藏之上生物下鎮熟物  
 上刺如縛五處插在尖標若母多食或時少  
 食皆受苦惱如是若食極膩或食乾燥極冷  
 極熱鹹淡若醋或太甘辛食此等時皆受苦  
 痛若母行欲或急行走或時危坐又坐又卧

跳躑之時悉皆受苦難陀當知處母胎中有  
 如是等種種諸苦逼迫其身不可具說於人  
 趣中受如此苦何況惡趣地獄之中苦難比  
 喻是故難陀誰有智者樂居生死無邊苦海  
 受斯厄難 難陀第二十八七日於母腹中  
 胎子便生八種顛倒之想云何為八所謂屋

想乘想園想樓想閣想樹林想床座想河想  
 池想而實無此妄生分別 難陀第二十九  
 七日於母腹中有風名曰華條此風能吹胎  
 子令其形色鮮白淨潔或由業力令色薰黑  
 或復青色更有種種雜類顏色或令乾燥無  
 有滋潤白光黑光隨色而出 難陀第三十

七日於母腹中有風名曰鐵口此風能吹胎  
 子髮毛爪甲令得生長白黑諸光皆隨業現  
 如上所說 難陀第三十一七日於母腹中  
 胎子漸大如是三十二七三十三七三十四  
 七日已來增長廣大 難陀第三十五七日  
 子於母腹支體具足 難陀第三十六七日

其子不樂住母腹中 難陀第三十七七日  
於母腹中胎子便生三種不顛倒想所謂不  
淨想臭穢想黑闇想依一分說 難陀第三  
十八七日於母腹中有風名曰藍華此風能  
令胎子轉身向下長舒兩臂趣向產門次復  
有風名曰趣下由業力故風吹胎子令頭向

下雙脚向上將出產門難陀若彼胎子於前  
身中造眾惡業并墮人胎由此因緣將欲出  
時手足橫亂不能轉側便於母腹以取命終  
時有智慧女人或善醫者以煖蘇油或榆皮  
汁及餘滑物塗其手上即以中指夾薄刀子  
利若鋒芒內如糞厠黑闇臭穢可惡坑中有

實

十四末

無量千蟲恒所居止臭汁常流精血腐爛深  
可厭患薄皮覆蓋蓋惡業身瘡於斯穢處推手  
令入以利刀子齧割兒身片片抽出其母由  
斯受不稱意極痛辛苦因此命終設復得存  
與死無異難陀若彼胎子善業所感假令顛  
倒不損其母安隱生出不受辛苦難陀若是

尋常無此厄者至三十八七日將欲產時母  
受大苦性命幾死方得出胎難陀汝可審觀  
當求出離

大寶積經卷第五十六 官六  
眇音瞎瞎許轄反鉗巨廉反揆曆結反剝普皮反鏡助街反

牟積上莫侯反稍刺上音朔下刀鞘下音著  
直慮反援兄願反蕘草上音際反舛昌軟反髀化苦  
胡果反腕烏貫反鞭吾更反滋漫莫官反躑直亦  
黎音煖煖燻音癩力轉反幾居希反死

大寶積經卷第五十七 官七

大唐三藏法師義淨譯

佛說入胎藏會第十四之二

尔時世尊復告難陀汝今既知胎苦生苦應  
識凡受胎生者是極苦惱初生之時或男或  
女墮人手內或在衣等安在日中或在陰處